

Powšitkowne WOZJEWJENJA

njedźelu, 24. oktobra 2021

Wusyłanje Božej mše

Serbskorěčnu Božu mšu móža wěriwi tutu njedźelu, 24. oktobra, znowa jako livestream w interneće sčehować. Wona přenese so w 9 hodž. z Chróšćanskeje cyrkwyje. Link na nju je pod www.posol.de a na wosadnej stronje podaty.

Přiležnosć k swjatej spowědži w Róžeńce

wutoru, 26. oktobra farar M. Anders, farar G. Warnar
18.30 – 19.30 hodž. farar Š. Delan, farar dr. M. Kleiner

sobotu, 30. oktobra farar M. Anders, farar Š. Delan,
17.00 – 18.00 hodž. farar B. Jakubaš, farar dr. B. Dittrich

Přeco sobotu je do Božej mše za lud a kraj, kotraž so we 8 hodž. zahaji, přiležnosć k swjatej spowědži.

Wigilija z poswjećenjom swjateho křiža

Składnostnje 250lětneho poswjećenja Chróšćanskeje cyrkwyje su wěriwi tam na wigiliju srjedu, 27. oktobra, we 18 hodž. přeprošeni. Na nej so nowy swjaty křiž poswjeći.

Mandželski seminar

Seminar k přihoťej na sakrament mandželstwa wotměje so pjatk a sobotu, 5. a 6. nowembra, w Smochčanskim kubłanišću swjateho Bena. Přizjewjenja přijimuju so hač do srjedy, 27. oktobra, online. Link je pod www.posol.de wozjewjeny.

Pomocna akcija za Pólsku

Towarstwo Cyrila a Metoda z.t. chce ze swojej akciju „Łužica pomha“ lětsa znowa diecezanski zwjazk Carity w pólskim Ełku podpěrać. Tam wjesela so nade wšěm, štož w swójbje trjebaš. Direktor tamnišeje diecezanskeje Carity, prelat dr. Dariusz Krućyński, rjekny, zo su z tym drasta, črije, higieniske artikle a kosmetika za žony a džeći mjenjene, ale tež płokanski próšk, kuchinske graty, pampersy za džeći runje tak kaž za dorosćenych. Wotedać móža so dary – po móžnosći w měchach – na sčehowacych dnjach pola Špitankec w Zejicach, Kamjenska dróha 10: pjatk, 29. oktobra, wot 15 do 18 hodž., sobotu, 30. oktobra, wot 9 do 12 hodž., štwórtk, 4. nowembra, wot 15 do 18 hodž. kaž tež pjatk, 5. nowembra, wot 15 do 18 hodž.

Pjenježne dary móža so na konto towarstwa přepokazać: Cyrill-Methodius-Verein e.V., IBAN DE 65 750 90 300 000 828 23 66, heslo: „Pólska“. Štóž sej darowansku kwitowanku přeje, měł swoju adresu podać.

Čłonski přinošk zaplaćić

Towarstwo Cyrila a Metoda z.t. prosy svojich čłonow, zo bychu lětny přinošk za 2020 a 2021 na konto towarstwa přepokazali: Cyrill-Methodius-Verein e.V., IBAN: DE 65 750 90 300 000 828 23 66. Přinošk wučinja wob lěto pjeć eurow.

Prěnjowoprawjenske džěci přeprašene

Dekanatne dušepastyrstwo přeprašuje wšitke džěci, kotrež so na přenje swjate woprawjenje přihotuja, na zhromadny dzeń srjedu, 17. nowembra, wot 9.00 do 15.00 hodž. do Njebjelčic. Započatk je z Božej mšu w cyrkwi. Zajimcy njech so prošu hač do wutory, 2. nowembra, online přizjewja. Link je pod www.posol.de podaty. Za wudawki dnja zběra so wot kóždého wobdžělnika přinošk we wysokosci štyrjoch eurow.

Bosćanowa wustajeńca w Kamjencu přistupna

Wustajeńca wo česćowanju swjateho Bosćana w Chróšćanskej wosadze je hišće hač do njedzele, 7. nowembra, w Kamjenskim sakralnym muzeju cyrkwe swjateje Hany přistupna. Boži dom je wot pónđzele do pjatka stajnje wot 10 do 18 hodž. kaž tež sobotu a njedzelu wot 11 do 16 hodž. wotewrjeny.

Putniske jězby do Medźugorja

Klětu su tři terminy putniskich jězbow do Medźugorja předwidžane, stajnje wot soboty do soboty, a to wot 2. do 9. apryla, wot 10. do 17. septembra a wot 15. do 22. oktobra. Zajimcy měli so pola Gerata Róbla w Smjerdžacej přizjewić, telefonowe čisło (03 57 96) 9 65 40.

Pytaja hladarku abo hladarja

Dom swjateje Ludmile w Chróšćicach poskića džělowe městno za chorobnu sotru abo hladarku starych ludži. Mužojo smědža so runje tak wo městno požadać, kotrež hodži so hnydom wobsadzić. Mzda płaci so po tarifowych radowanjach Carity. Požadanja přijimuju z póštu, Zejlerjowa 4 w 01920 Chróšćicach, abo z mejlku na heimleiter@st-ludmila.de. Nadrobniše informacije poda nawodnica Mónica Wenclova, telefonowe čisło (03 57 96) 94 73 30.